

KANAOUENNOU

Diverruz, diwar-benn eur C'habiten a lonkour hag he ékipach oc'h erruout oar gwél an douar a Breiz, goudé eur véach hir.

Ar C'habiten kerkent a gomz oud-hé, hag a lavar ar c'homzo-man d'ar zegont, hac a gân var ton kabiten Ar Meur :

Erru zo arré eunn déz névé ;
Krog eo ar perroket da gana ;
Admiromp sclérijen eunn Doué
Hô tont bemdez d'hon bizita.
O devez kaer a réjouissans !
Ma wélinn ann ti pater-nel !
Erru hon oar gwel an douar Frans,
Prest da antren enn Breiz-Izel.

bis.

Ma minon zégont, béz dilijant
Da évertisan ann ékipach.
Evit ma lakafomp hon batimant
Prest da antren eon hon héritach,
Anons dézhô eo erru an devez
Ma tenuô hô diou jod da wennan,
Hô pokat d'hô zud gant lévénéz,
Mar choum ann avel er roud-man.

bis.

Apersev a réomp eur vrumen
Hô sével diwar ann douar ;
Prest omp d'antren 'barz hon traouien,
Evit dizéchan ar glac'har
Zo 'barz enn kalonnou hon famil,
Hô wélet hon rétardeant ;
Mès hon béach a zo bét util,
Zé a roïô dézho contantamant.

bis.

Pa'n deuz gréat péb-hini hé déver,
Arréomp amian oar ar pont ;
Admira rann gwélet ann amzer
Hô favorizan ac'hanomp.
Contamplomp ez ann er c'heuta bro,
Enn andréjo omp bét ganet ;
Azé dré holl, mesk ar ménéïô.
Hé ma hon c'hérent, hon minonet.

bis.

Ma minonet, mé ro audians
Da bép-hini da zisklérian
Ann ténor dimeuz hé connaisans ;
Ac'hann a c'helfomp hô fik-an,
M'hon dévo eun tamm agréamant
Hô klévet hag hô kontampli
Ken a vézo erru hon batimant
En kaë Pempoul da réposi.

bis.

Ar Zégont.

Chétu dû-hont antré ar rivier
A gundu da géar Lanhuon.
Pa wélan ez eo zïoul ann amzer,
Mé a ia da gana eur chanson,
'Vit ma clévo ma c'hoar Perruann,
Gant ar maré a ielô ma mouez ;
Hi a zo en kouent Zantez-Annan,
Tri bloaz-zo paissionnerez.

bis.

Béz' em bo ar gonsolation,
Unan euz ann dezio nésan,
D'hé ambrasin gant joa enn em c'halon,
Enn parlouer Zantez-Annan,
Ar c'himiad trist ar c'huanado
Hor boâ gréat ouz eu em séparin,
A raïo zujet deuz hon joaïo,
Pa c'halfomp en em saludin.

bis.

Nin a oé manet hon daou minoro,
'Barz ar béd, war lerc'h hon zud ;
Mé a valé dré ar provinso,
Ha c'hôui a vév enn solitud.
Sévomp hon péden war zu Doué ;
Mé zo hô preur, c'hôui zo ma c'hoar,
Ha grâs d'imp d'en em gwélet eunn déz,
Assamblét gant hon tud er gloar.

bis.

Ar C'habiten.

Mar eô azé hé ma da draouien,
Kont d'imp ann tenor euz da vro ;
Pélec'h azé hé vézo ta loden,
Pa jouisi euz ta vado ?
Alies ac'h euz d'imp espliket
Pénoz hé oa ar gaéran bro
Kanten Lanhuon, Perros-Guirec,
Trégastel ha Pleumeur-Bodo.

bis.

Ar Zégont.

Dézirout a rann kaont eunn dachen
'Barz en parouz Pleumeur-Bodo ;
Plas d'in ha d'am pévar damm planken,
Goudé ann heur-dimeuz ma maro,
Ma réposin enn mesk ma famil,
Ma c'hérent ha ma minonet,
Bété m'a klévinn ann drompil
A zonô ann éal da fin ar bed.

bis.

Ar C'habiten.

Na gomz pelloc'h a dristidigez,
En devez kaër hon euz c'hirié ;
Péléac'h a choum da vestrez,
Mar gwéler hi zi aléssé ;
Diskoez d'in chiminal hi c'houent,
Ha mé raïo eur c'houistéladen ;
Mar gallan mé raïo d'ézhi entend
E man hé minon o trémen.

bis.

Ar Zégont.

Enn bord an aod, sellit eunn draouien
A zô remplis euz a dûd ;
Eunn tamm huelloc'h, oar eun dosen
E man kouent ma c'harante ;
Enn houn-nez a zo eur fleuren kaër
Karet gant ann holl Vrétoned,
An ltron-Varia ar Sclerder,
'Barz en parouz Perros-Guirec.

bis.

'Barz enn amzer ma bugaleach,
Mé oâ gant furnez kélennet
Na razenn nép avantach
Ho karout objédo ar bét.
Ha mé a zéziré kaout eur vestrez,
Hag a deufé d'am azistan,
Hag am euz gréat anoudegez
Gant Mari, merc'h zantez Annan.

bis.

Enn hi am euz laket ma fiars,
Ha hi respont dam' goulénno ;
Rei a ra din sicour hag asistans
Ebarz ar brasan dangério.
N'eo ket 'vel mestrezet ann amour,
Na glaskont némert joausdet,
Da vloaz ar brasa ézomm a zicour
Ez oc'h gant hé abandonet.

Ret é vé d'ec'h béza bét er plas-zé
Da hanter eost évit krédi
Pégément a dûd a bép koste
A deû da vizita hi di.
Ann hini vézo bét er bloaz-man,
E c'houlenn digant-hi eur mennat,
Da vloaz a retorno hép mankan
Adarré d'hé zrugarékad.

Ia, azé zo eur c'hontré kaër,
Da remprédet gant ar pobl bréton
Da hanter éost o vont d'ar Sclerder,
Ha d'ar Pentécost da Zamzon.
Hen-néz zo ma brasa kamarad ;
'Barz enn parouz Pleumeur-Bodou,
D'ann nép hen péd a rent zervich mad,
Hag asistans enn hé ézomou.

Pa oann bugel, enn Pleumeur-Bodou,
Mé vijé mintin mad savet
Evit mont da vord ar c'broaz hinchou,
Da wélet ar bélérinet,
Péré a deû a bel ével a dost,
Da c'houlenn résistans sant Zamson,
Déz ar lun bask ar Pentécost.

M'am bé iéc'het ha prospérité,
Pa vézo fin d'am c'hampagnou,
Mé rai o rézidans er vro-zé,
Domicil en Pleumeur-Bodou.
Ann abitantet euz a c'hontré
A zo tud humbl ha généruz,
Tud a anavé lézen Doué
Hag a gar hé-Vamm da Jésus.

Kér léger a ia hon batimant,
Erru omp dirag rad Perros ;
Er plas-zé am euz bet contantamant,
Pa 'zéenn da wélet va zad koz,
Eur breur d'am zad a oa martolod,
A navigé er c'habotach,
Hag éz éemp da vale gant hé ganot,
Pa vijé er géar enn rélach.

Pa zellan da gaout bourk Louannec,
Ez éo kontristet va c'halon ;
Er plas zantel-zé éo bét interet
Ma c'hulatur a ma vaéron.
Rét eo d'in finissa ma chanson
Evit pédi gant ho éné ;
Gréat eunn all ann déklarasion,
Ann nép zo oar wél hé gontré.

Kanaouen ar c'hentan Martolot ho respont d'he Gabiten.

OAR AR MEMEZ TON.

Ar C'habiten.

Kenta, ma minon ker,
Kontantet ma c'hurizité ;
Pa oc'h euz a ganton Landreger,
C'houi a lavaro din ar wirionez.
Enn pé sort andret euz ho kanton
Ma ann tour uc'hel a wélan ;
Mé gréd eo éun aplikasion
Da vartologet ar vro-man.

Ar c'hentan Martolod.

Troad ann tour zé ze, 'vit lavaret,
Stok ous muraillo Landréger.
Ann iliz a zô bét diskaret
Abaoé pel euz a amzer ;
Ann tour-zé anseign, ma c'habiten,
Da gémer ann tro ar rivier ;
Me gréd ez éo douget oar ho karten,
Rag hi hanô zo brudet kaër.

Gwéchal parouz ar Minihy
E doa-zant Mikel 'vit patron ;
Mès zant Ervoan deù da éklati,
Dré ma oa hé barouz gwirion ;
Ha pa boz lagad eur guir breton
Oar tour méin Zant-Mikel,
A teù da zonj dezhan 'n hé galon
Euz zant Ervoan, éal Breiz-Izel.

Roit eun tamm aplikasion,
Mès réta a vo dac'h sellat piz
Four Landréger enn horison ;
Chétu hi euz éeun d'am biz.
Ann touriou-zé a diskoez fasi
Pénoz Landréger, ma c'hontré,
O bét habitet gant tud habil,
A zellé étrézé an év.

Chétu azé eunn iliz névez
A zo enn parouz ann Trévous,
A zo batiset gant tud a fé,
Evit ober ho fédennon.
Ouc'h-penn, mé a wel iliz Penvénan,
E-lec'h ounn bét badézet ;
Mé 'meuz bét kalz a vizer ha poan
Abaoé ma c'hon diouti séparet.

O iliz kaër, chétu ho pugel
Erru d'ho gwelet enn bué ;
Bréman mé gano a vouéz c'huel ;
Héonor da Vreiz-Izel, ma c'hontré.
Amá dré holl, é mesk ar ménéio,
Zo batiset templo névez,
Péré zo koustet kals a vadou,
Evit renti gloar da Doué.

Sellit ! eunn dén enn tu man kavo,
'Vel ma pozo hé daoulagat
Oar douar ma bro, a wélo
Eunn dra bennag a rémerkab.
Chétu du-hont tour Zant-Konéri,
Tour Plougouskant eo éguilé ;
N'eo két hép raizon rann mélodi
Kanton Landréger ma c'hontré.

Ma'vijé zentlet euz ma c'homzo
Am c'hoant da rei da éntent,
Landréger gléfé chanch a hano,
Ha béza c'hanvet bro arzent.
Tri zo bét kanonizet,
Hac eur zantez braz er c'hanton ;
N'en deuz hini anezhé merzeriet ;
Zé a ra héonor d'ar vro bréton.

E man zant Tual minon Jézus,
Kenta eskob enn Landreger ;
Ha kalz zo diskleriet évuruz,
Bét eskibien enn mémez ker.
Ha Breiz-Izel hag hé avokat,
A zo natif euz ar Minihy ;
Zantez Koupaïa 'bors enn Langoat,
Enn Plougouskant, zant Konéri.

Kavet vé 'barz ar parouzou
Ho rélégo dizouaret,
Da béré vé gréat kalz a hénoriou,
Ha gant ann holl int karet.
Tud bét affijet en Breiz-Izel,
Péré a ziskléri franchamant,
Ho vizitan plasou zantel,
Ho deuz bét soulajamant.

Mé na skonizan ket, na minonet.
Oc'h ober élojo va bro ;
Mès hon batimant a ia bepret,
Pélec'h am euz bet anoudegez,
Pa oan iaouank er géar,
Ha gant zikour an holl vadélez
Esperan ho kwélet é-berr.

Finissa a rann ma brépozion :
Kén a vo é-berr, tud ma c'hanton ;
Mé a zézir joaüs ho kalonou,
Hag a klevfet kana ma chanson.
Némert ma c'hon preset gant ar maré,
Mé 'mbijé gréat c'hiroc'h ma ziskour,
Mès eunn all a gommans adarré
Ha n'eo két dac'h adversour.

Fin da ganaouen ar c'henta martolod.

Kanaouen an eil Martolot.

OAR AR MEMEZ TON.

Ar C'habiten.

Erru omp dirag eur rivier
ag a ia bréman barz enn douar,
alz pelloc'h évit kéar Landreger ;
ann den zo éman hag a oar.
Martolot, mar pe bolanté,
houi a zisklérifé penn da benn
ann ténor dimeuz ar rivier-zé,
ag euz ho kanton Roc'h-Derrien.

Ann eil Martolod.

Gléet ez éo d'in, pa gommandet,
aplika d'ac'h eunn dra bennag ;
ag mar mankann da ober ho souc'het,
éfen eur zervijer ingrat ;
ag c'houi a so din a garanté,
ar zo eur c'habiten lonkour ;
el eunn tad mad 'vid hé vugalé,
e glesket némert hon récour.

Kasi 'vel eur burzud a gavann,
oudé kément a danjério,
ruout oar wel dar skinvier-man
ré a gundu d'am bro.

Gant eur vag bihan da c'homona
Mé a zo bét eiz vloaz diouc'h-tù.
Hô pesketa va zamik bara,
Azé é mesk ar lic'hid dû

Galloud ha puisans eunn Doué
N'eus gallet den biskoas kompren ;
Digas réa ar mor diou vech bép déz,
Da gerc'hat hon zamic koken.
Pa réturné mor ann Oséan,
Evit bizita hon c'hontré,
Ez éemp arré asambles gant han,
En em drugarekaat Doué.

Pa erruemp oar wel iliz Sant-Ervoan,
Hon c'habiten a réa sin a groaz,
Nonobstant d'hon mizer ha d'hon poan,
Enn commun a lévérémp graz ;
Goulenn réamp digant han bep maré,
Ar péz a gévemp muia util ;
Konservation 'vit hon buez
Ha galloud da zouten hon famil.

Mé wel bréman dour an Oséan
O vont da vizita ma bro,

Me garfé mont asamblez gant han,
Mès erruout a rinn évit an dézio.
(Ho welet eur pesk a lavar dézhan :)
Peskek bihan, chiléo ma c'homzo ;
Té a ia da antren er rivier,
Gra'eur gomision évit hon,
Mé souc'het d'it chans a boneur.

Neui dré dindan pont Landréger,
Hép koll kouraj, ha kerz pelloc'h,
Qété an dour dous, en penn ar rivier,
A rancontri pont ar Roc'h,
Hag anons d'an dud euz ar c'hanton
Pénoz a erruin hép arré,
Da vizita gant devosion
Ar chapel névez ho deuz savet.

An drivet zul a viz gwengóló,
Mé esper erruout er pardon.
Kaéran chapel zô ébars er vro,
Glévaun zo zavet en em c'hanton,
Enn kéar ar Roc'h, oar blasen ar C'halvar,
Gwéhall eur fort évit diven kéar,
Mès kréoc'h 'vit forcho an douar
Ez éo ar Werc'hez p'hé véder.

Gwerc'hez pa oc'h bét apariset
Da daou vogel ébars er montagn,
Vit kéar ar Roc'h na chomit két kuzet,
Nag euz bugale ar c'hampagn.
Ni grio war-n-hoc'h a vouéz c'huel :
Mari, va mamm, roit eskort ;
Mar diroll ar mor hac an avel,
Sturiet hon batimant d'ar bort.

Ma c'hellinn antrenn enn ti ma zad,
Pehini a zo tost da vord an aot.
E ma ann daerou enn hé daoulagad,
Pel zo ma oc'h ober kany d'hé botr ;
Mès é berr, pé war choaz ar beuré,
Mé hén sardo var ma c'halon.
Gant zicour ar Werchez ha graç Doué
Mé esper erruout enn em c'hanton.

A péger dous vézo d'in répos
Enn logik eur paour labourer !
Harpan ma venn, évit trémen an noz,
Oar eur penn euz hé oreiller !
Ma vijé bét va mamm enn bué,
Am bijé brasoc'h plijadur ;
Oar ar péz erru dré bolanté Doué,
Na dlé nem oppoz nep krouadur.

bis.

bis.

bis.

Ez ann d'hô anuian, ma minonet,
Ret eo d'in lézel kément-zé,
Kalz a c'hanomp ho deuz tud décédet,
Ra vézo Doué gané hô éné.
Pa véfomp erru enn hon c'hontré,
Ha pa eo bét mad hon béac'h,
Ni lakaio pédi évit hô éné,
Zé zo ar gwella avantach.

Na c'hallan két finisa da barlant
Hép explika d'éc'h eunn diskour,
Klévet gant eun dén euz Pouldouran
Am boâ rankontret en estranjour,
A lavaras d'in gant eun air joaüs,
Ha dré eur c'homzo agréabl,
Oa betizet enn templ burzudus
Enn hé barouz da zant Bergat.

Pa drémenfet, hé mé han, ma minonet,
Gréat dézhi eur vizit a skient,
Kaeran iliz a zô er bro bréton
Hervé ar barouz hag hé ment ;
Lévirit d'habitantet Pouldouran
A pézo klévet ho élojo.
Tri mil leo euz ho batisaman
Gant eur martolot euz ho bro.

bis.

bis.

bis.

Gant eunn dén en deuz zicouret
Plasa eur men enn ho iliz.
Joa am euz da véza labourer
Évit mad eur kaer kër édifis.
Évit an neubendik am euz préstet,
Mé esper kavet intérest mad,
Béza gant Doué rékompanset
Dré broteksion zant Bergat.

Chéto tout diskour ar merdéad,
Pé'hini n'deuz két a diénez
Vit béza roët da zant Bergat
Eunn tamm euz hé c'hounidégez.
Konfians am euz barz enn Doué,
Pehini gundu barec ar stur,
Enn bué hag eun éternité
Da gaout bonheur ha plijadur.

Habitantet kanton ar Roc'h-Derrien,
C'houbanet zon ar merdéad ;
Mé zo a-üz ar mor oar eur planken,
Asténet ma diou vrec'h d'ho kad,
Prest d'ho ambrasin dré garanté,
Ebarz enn jardin Breiz-Izel.
E-léc'h am euz résévet ar vué,
E-léc'h a zézirann mervel
Fin da ganaouen an eil martolod.

Kanaouen an Novis ho respont d'ar C'habiten.

Oar a memez ton.

Ar C'habiten.

Eur c'hiz commun ho deuz ar Vrétonet,
A laka ma spéret enn erreur ;
N'ouzon ket a bé léc'h eo diskennet
A gir trist ével Doué Pleuveur.
Ma minon novis mé am euz esper,
Ha oc'h euz kanton Lézardré,
C'hekpliquet d'in, enn berr amzer,
A bé léc'h a zorti ar gir-zé.

An Novis.

Kabiten, n'em euz mann refusabl
Vit kontantin ho zantimant ;
Ar c'hris trist ar zantimant rémerkabl
Anavéet enn hon départammant,
A zo enn parouz Pleuveur-Gautier,
Dirac ar gadorn zarmon ;
A c'hané hé disken ar gir-zé,
Eun mesk ann habitantet bréton.

Erru omp dirag kanton Lézardré ;
Birvi a ra enn hon ma goad ;
O erruout war wel d'am c'hontré,
Né deuz nétra ker konsolabl.
Evel Moizès enn kreiz ar mor Rù,
Oar wél d'an douar promézet,
Mé am euz espérans da gaout répu
Barz ar c'hanton ma ounn ganet.

bis.

bis.

bis.

Mé a wel ar mélinou avel
O tré oar benn ar ménéiou ;
Ilizou ha chapélou zantel,
Ar c'houajou 'barz enn traouiérou,
Mouéz ar lapouset o frédoni
O annons ann amzer névé.
Deuz kaloun trist da'n em konforti,
Ma zave da vouéz 'trézeg an év.

Mé wel c'hoaz, dré lagad ma spéret,
Traou rémerkabl 'barz ma c'hanton ;
Iliz Kerborz a névez batiset,
Kaer 'vel gwéhall templ Salomon ;
Ar gest 'barzjenn iliz Trédarzek
A wélann c'hoaz o fleurissan,
Enn endret ar béorien ézomek,
Ann intanvézet, aun dud klan.

Kalonou miret ho vertu,
Grignel Doué zô kaution ;
Kaout raio péadra d'ho kundu,
Ha pa rafec'h ann aluzon.
Ornet kaër eo dré ho montagno
Ar Vamm a gun du d'ar bonheur,
Ha brudet braz, dré hé miraklo,
Ann Itron-Varia an Traou-Meur.

bis.

bis.

bis.

P'am euz bét talent ar zonzézon,
E c'hallann transport ma spéret,
Da wélet kroaz kaër ar mision,
En Planiel, oar ar véret.
Brétonet, testou ho madélez
A chomo pel oar ann douar,
Roudjou ho taolin, gant zantélez
Gravet enn zijen ar c'halvar.

Ann éko euz mouéz ar martolot
A ia bété douar Planiel.
Dré ar c'han éklant zo en aot,
Bété ti ar Verc'hez santel,
P'hini a deu, gant he gouliou sacr,
Da dréc'hi maré ar suplis.
Pilot, a zicour ar merdéad,
Ann Itron-Varia ar Goz-Iliz.

Poursuivet ez ounn da finisan ;
N'em euz két ann amzer sufizant
Da réi éloj 'vel ma tézirann,
Da Lézardréo, kanton charmant.
Seiz parouz a zo 'barz ar c'hanton,
Ha pévarzek mil dén pé oar dro,
Hô karout a rann holl em c'halon,
Hag a rinn bété ar maro.

Fin da ganaouen an novis.

Kanaouen ar Mousik bihan o respont d'ar C'habiten.—Oar ar memez ton.

Ar C'habiten.

Gwel dalé a rit, ma minonet,
Ebarz 'n ho téklaration,
Ha c'hoaz na vézo két d'in espliket
Ar péz zo enn em intansion.
Eunn tour kaër a wélan enn douar,
Ha dén na gomz d'in anézhan :
Mousik bihan, mar vé enn ho pouvoar,
Espliket d'in pélec'h hé man.

bis.

Ar Mousik.

Kabiten, mé a anavé an tour-zé,
Mé ia da esplika d'ac'h raktal ;
Hen-nez zo eur léo euz kéar Pontréo,
Ebarz ar barouz vraz a Bleuzal,
Hag an iliz a zo stok eut-han,
Zo dign a admiration.
Teir léo enn rond, hép en'em dromplan,
A kléver ar c'hliéer o son.

bis.

E omp o trémen penn ar rivier,
P'hini gundu da géar Pontréo,
Disparti entré gwélo ha Dréguer,
Uniset gant pont Lézardréo.
Mé garfé nija 'vel eun alc'houéder,
Oar diou a-ikel ma zonzou,
Da di ma zad, da barouz Quemper,
Ar braoan euz ann holl parouziou.


bis.

Evit ma c'halfenn, gant humilité,
 En em brosterni oar ma daoulin,
 Ebarz enn parouz charmant Zant-Klévé,
 Dirag ar Werc'hez enu klérin,
 Evit akomplisa ar bromésé
 Am boa gréat da Vamm Jézus,
 Pa oamp enn danjer hon bué,
 Enn kreiz ar mor braz périllus.

bis.

Mès bréma me am euz espérans
 D'akomplisa ma fromésé,
 Ha d'ho saludi gant révérans,
 Habitantet kanton Pontre ;
 Mé a bok d'ho taouarn charitabl,
 Maget hon gant hoc'h aluzon,
 Ann d'êrou a gouéz ma daoulagad
 Ca d'in finisa ma chanson.

bis.



Fin da ganaouen ar mou-ik.

Kanaouen ar C'habiten.

Oar ar memez ton.

Mé ho trugaréka, ma minonet,
 Pêb-unan enn particulier ;
 Gwélet rann éz oc'h gwir Brétoned,
 Hag obéisant enn em c'héver.
 Poënt éo d'imp gervel ar pilot,
 Ma raio hé bréparasion.
 A-bean ma véze erru gant hé ganot,
 Am bézo kavet eur chanson.

bis.

Pa oamp du-zé 'barz ar broio all,
 A renkemp veilla gant soursi,
 Epad ann noz hag enn amzer déval.
 N'hor boa nétra d'ho anseini,
 Némert hon spéret ha gráz Doué,
 Hag ar Rouanez puisant
 Hé deuz prézervet d'imp hon bué,
 Ha souténét hon batimant.

bis.

Evaruz éo ar bro sivilizet,
 Hag ar rouantélez kristen.
 Aman pêb tra a wélomp réglet,
 Dré urz ar prins hag al lézen.
 Séllet pét batisamant util
 A wélomp deuz hon batimant ;
 Darn zo baliset gant ar sivil,
 Darn all gant ar gouarnamant.

bis.

Ann touriou tân a wélomp enn aot,
 Ar balizo oar ar gérek,
 A zô tout évit diskouéz d'ar martolot
 P'hini éo ann hent asuret ;
 Ann télégraf évit kâs ar c'hélo,
 Mar omp gwélet enn danjer
 Ann hini a gémer kément-zé a fréjo
 Hep doutans a gar hon bonheur.

bis.

Chétu azé enézen Briat,
 Konfians traouien Breiz-Izel,
 Fortifikasion imprénabl,
 Santinello a sitadel.
 Tud ann douar hô deuz asurans,
 Ar merdeat a wel hé hent.
 Bnéz hir d'ann Empalaer a Frans,
 Konservasion d'hé gérent.

bis.

Sellomp ann douar o fleurisa,
 Hép mont a bel euz hon c'hontré,
 Ar parouziou holl o Vastisa
 Tiez kaër ilizou névez ;
 Gant amzer vad hal trunkilité,
 Al labour ar gwénan o son
 Ann Empalear minon da Zoué,
 Ar béd enn hé gréasion.

bis.

Kanton Pempoul, répu ar furnéz,
 Ho labour a vérit mémoar :
 Mé a babbio ho madéléz
 Dirag ann év hag ann douar.
 Komparajabl euz ann ébéstel,
 Mé vél ho kouraj akétus
 Da orna ann ilizou zantel
 Ha da énoré kroaz Jézus.

bis.

Mé rent d'ac'h éloj ha mélodi,
 Parouz Ivias ha Plourivo,
 Plouec-ar-Mor, parouz Kériti ;
 Doué gant justis ho paéo,
 Ilizou kaër hoc'h euz bastiset,
 Brudet é-pévar c'horn ar vro ;
 Mès kaër oc'h éo eur plas préparé
 Da eunn éné mad 'barz enn envo.

bis.

Parouz Plounéz, partère Breiz-Izel,
 Enn hoc'h é ma ar blanten roz ;
 Hé grio zo enn ho iliz zantel,
 Hag ar fleuren er baradoz ;
 Konsolasion ar béachour
 Ebarz trubulio ar vué,
 Ann Itron Varia Guir-Zikour
 A ra miraklo bépréd.

bis.

Ma minonet, erru éo ar pilot
 Hon gunduo bété ar c'haé.
 Mès pétra wélan enn bord ann aot ?
 Sellét kaëra chapel névé,
 Batiset enn parouz Plaéranek,
 Enn hénor ann Dréindet zantel,
 Vit digémer ar bélérinet
 Euz a bévar c'horn Breiz-izel.

bis.

Doué en deuz akordet grasou
 Abaoé pel amzer er plas-zé,
 Da baréat ar rumatismou
 Dar ré hen péd dré garanté.
 Né c'hallomp két kaout gwélloc'h konfians,
 Enn afiksion ar vué ;
 Ann Dréindet a zo hon espérans
 Epad ann holl éternité.

bis.

Pêb dén a fiks hé dévosion
 Enn lèch ma kav zikouriou mad,
 Mé am euz obligasion
 D'ann Itron-Varia Kélou-Mad,
 Mar antréan ann déz a c'hirié
 Ebarz enn douar Breiz-Izel,
 Eo eur mirakl a buissans Doué,
 Ha zikour ar Werc'héz zantel

bis.

Béz em euz mémoar. ma ékipach,
 Pa oamp barz ar mor kourouset,
 Enn danjer da ober eunn naufrach,
 Am boa dar Werc'hez proméset,
 Mar arifenn enn Pempoul gwélo,
 E teufenn da drugarékat
 Mestrez ann douar hag ann envo,
 Ann Itron-Varia Kélo-Mad.

bis.

En em gwiskomp enn péleriné.
 Rentet é m'omp enn bord ar c'haé,
 Déomp holl asamblez d'hé gwélet,
 Pa omp réturnet enn bué.
 Mé am euz ann hano a gabiten,
 Mès Doué hép kén a gommand ;
 Ar Werc'héz a zo hon stéréden,
 Sklerder ar bét antiéramant.

bis.

Ha pa hor bézo gréat hon dévosion,
 En em rentomp pép-hini d'hé vro.
 Doué da rei hé vénédiksion
 Oar n-omp holl bété 'r maro.
 Ha ma n'erruomp kén er bed-man
 Er memez ambarkasion,
 Mé dézir ma c'héfoamp da ganan,
 Mélodi d'hon Roué enn Sion.

bis.

Ann Ekipach holl asamblez.

Dré hoc'h éo en em zervijet Doué
 Da ober eur mirakl enn hon andrét ;
 Ho patimant, ével arc'h Noé,
 Zo euz ann déluj prézervet.
 Adieu d'ec'h, kabiten vénérabl,
 Chanz er mor hag enn douar,
 Hag ann Itron-Varia Kélo-Mad
 D'hô kunduo eun déz d'ar gloar.

bis.

Fin da ganaouen ar C'habiten.

Ann ékipach-man en deuz dizklériet béza
 bét épad pemzék dévèz o ruillal dré ar
 mor, gant eur bar amzèr fall, é-kreiz étre
 daou dour, ha pénoz mar int bet sovétéet,
 na int némert dré broteksion ar Werc'héz,
 da béhini oant en em adrését.

GRÉAT GANT PÉR RAIZON.

Propriété de l'Éditeur.